

盾

墨

拾

餘

末路英雄應笑我承平年少尙憐卿蠻夷大長輪黃屋吳
越高僧約赤城聖女祠前李商隱通天臺下沈初明南山
藏與西江水張棣聊堪送此生

遊嶽麓

重經萬壽寺已失六朝松黃葉厚盈寸白雲深幾重巖藏
入定佛樹挂飛來鐘日暮聞山響樵歸偶一逢

麓峰絕頂

草間得路上屢屢絕頂剛風不住吹紅樹青山秋後屐赤
文綠字夏時碑眼中龜坼地千里腳底蟻旋天四垂身世
蕭條經患難欲將雲物祓余悲

侍家大人陪湘綺丈道俗諸君於曾太傅祠浩園看月十一
月

名園在城市而不與隱妨冬宵絕喧埃孤月復流光華池
鑒亭榭珍木藹蒼蒼婉變道俗侶儼若同舟航大壑有遷
變滄海數生桑二老獨高舉養真共翱翔挺此霞外標眇
義探元莊依稀魚山梵髣髴蓮花香微生苦塵勞萬里歸
沅湘摳衣侍長老聯袂參緇黃息肩化人城脫屣白雲鄉
榮悴任千變哀樂期兩忘何須羨明月月暫吾心常後期
戒靈鷲請復賡斯章

和畚芳圃上人浩園看月見贈

長沙盛土木魯叟譏丹楹獨有賢相祠未厭歌送迎名園
撰嘉夜風月美雙清道俗無新故忘形蓋同傾天弢一以
解世網誰能嬰孤松鬱後凋叢桂藹冬榮紛如鸞鶴羽各
各青霄橫二老地行仙而與月天行三辰爲之冠八表爲
之絃嗟余刑天徒干戚舞精誠投書弔汨羅飛箭射聊城
空持一寸血欲與造物爭功德運所爲忠義性豈更蕪詞
酬佳什還復感平生

敬和湘綺丈與家大人浩園看月長句

未歿復思從計吏恨無狗監如楊意漢家卿相徒爾爲苦
彼時人譏暮氣暮氣昏昏不可親金銀兩王持世輪借問

雲中叩 帝闕何如月下敲僧門千水千山來得得浩園
髣髴千人石渝關臺嶽僧不知但道茫茫海雲白二老前
生道與僧踏月行歌山鬼謠桃源客豈知漢魏武夷君尙
哀孫曾伯鸞到今豈勝噫聞道遼陽兵未退邵教湖外數
閒人不費金錢了詩債 國家近日憂天驕棄置棲朮登
黃消未能一日去災沴那用千年圖富饒瀏澧今年亦乏
食東南旱象成西北移民轉粟方不遑富國強兵更何策
俗儒交口頌管商齊秦幾見通梯航火輪鐵路不解造孔
墨當日徒奔忙幽人恥受眾憐惜自向空山老顏色出家
大事了死生學易餘年知損益兩翁與世皆無需我生亦

是憂患餘相看破涕轉成笑屈原賈誼何其愚湘妃夜眠
呼不醒哀郢懷沙復誰聽便擬長依母墓松還思一啜僧
祠茗卽今雨雪頗失時冬不祁寒民怨咨未知明年狀何
若故鄉正恐多旌旗陳公手運陰陽炭開礦鑄錢集羣彥
甘寢不教猿鶴驚苦心爲救龍蛇戰世事滄桑難具論湘
波未共海波翻華芝縱少土猶淨暫得句留綺與園

浩園雨集探梅侍家大人坐和畬芳上人敬上人

月十二

湘中詩客兩比邱餘事好入名山遊南登九華試行腳東
浮甌越回扁舟幾年飛錫返鄉國衲衣尙帶雲霞色嗟余
賣藥欲逃名豈意行蹤僧盡識浩園寒意何蕭疏聞道中

丞方禁屠雪雖未快雨先喜清齋感召通雩吁此邱能詩
復愛客靈山法會龍華席道俗相期共歲寒况對初梅紅
寂歷園中昔日盛文酒雅詭清篇傳萬口大運何妨有廢
興空相本來無淨垢高僧傳裏舊支公化作壺天一遯翁
四海還陪習鑿齒醉鄉共訪王無功微生已誓除諸妄掃
盡狂花見真放請約石門諸道人明年攜手香鑪上
題和陳大伯弢酬湘綺丈寄鄭叔問兼及于晦若張子苾
宋芸子弔劉健卿之作

一別故人如海水盈盈湯谷看濛汜東西南北不相聞那
信同居五洲裏南歸得登湘綺樓看君恰恰來潭州江山

朋舊忽滿眼對此渾忘雙鬢秋近年鄉里輕文學傭販乘
時趾爭錯未可相逢無酒杯猶能與世同哀樂憐余奉父
未還家隙駟流光瞬已遐母墓慈烏繞樹哭皋魚肝肺成
槎枒高材各各能潦倒君亦泥塗困鱗爪念我平生攜手
人飛花落絮知誰好篋裏新吟一卷詩詩中感舊折瓊枝
昌門回首怨遲莫已是承平年少時鄭張不飽青餽飯于
宋踰踰仍策蹇獨有劉生意氣雄一睡泉臺夢安穩詹尹
何從論短長人閒冰炭日炎涼空憐昔日憑臨處華髮青
山共有霜我家百里與君接汜洲枉渚波重疊歸訪秦人
入綠蘿年年看殺山中月表餌今時計已行終軍無用請

長纓明年寒食梨花下料理隨身一酒鎗

贈湯幼安布政

君恩雪到山中涕臣鬢霜於海上兵部曲已多忠義鬼英雄不諱酒人名早年哀樂歸平澹他日安危屬老成薏苡明珠何所有到家仍是一書生

和畬湘社友人

餘生重到傷心處海燕江鷗共來去廿年春逐廿年人都化遊絲與飛絮湘社才人與我親勸傾芳醪洗征塵洪厓乍見便攜手天女初逢羞接唇東南海哭滄桑老西北煙塵猶未掃肉食何曾具肺腸書生枉欲塗肝腦破涕惟須

一笑論紅兒情勝碧翁恩比他百首多千首憐我三魂少
二魂洛陽年少顏如玉日對此花看不足節度誰憐杜牧
才佳人莫使沙吒屬風月江山年復年歡場如夢夢如煙
空階聽雨難成寐龍伯方擎華嶽蓮

湖外

湖外春初到梅花已欲飛一條湘似帶數點雪飄衣綠鬢
隨年換青山送客歸年年來往路痛哭爲慈闈

南山

南山三百里一步一迴腸狐死正三首馬鳴思舊鄉白楊
多作柱滄海盡生桑卅載春暉短九原秋夢長

昔年

昔年因痛母狂走入茲山峰出青天外僧居翠靄間雪添
衣色白苔漬淚痕斑今日成遙望冥冥不可攀

明歲

明歲雙歧麥今年六出花粉痕千萬蝶墨色兩三鴉遠戍
歌諸將窮簷對幾家暫飢思永飽行旅莫咨嗟

相對

相對渾無語誰知各斷腸關山兼雨雪涕淚共衣裳爲我
拚零落防人賦暗香楚天誰見汝玉色耐淒涼

重來

鳳麟時隱見龍象幾成虧寺豈榮藩舊村猶善卷遺江山
壯荆楚日月老娥羲廿載滄桑換重來覺灰遲

會何五棠孫紅梅絕句

藐姑仙人衣縞素肌膚如雪汾之陽帝堯已欲輕天下何
沉濃妝勝澹妝

粉黛三千如塵土玉環飛燕盡等閒昭君定解傾人國奪
取焉支山色還

長沙郡接武陵郡欲避秦氛宜此中莫等捕魚人看見錯
認桃花如許紅

君家近鄰虞帝墓楚寶亦在九疑西古時血色猶留得恐

是湘妃夜暗啼

誰教何郎動詩興卻惹杜老亂鄉愁垂垂發看垂垂老莫
遣紅兒笑白頭

故王臺榭古城下雪老冰膠雲不開一簪凍萼紅無恙呼
起姜翁后帶來

到家和弟

麻衣誓墓衣如雪鐵衣出塞衣如鐵去年衝雪走燕山誰
信生離非死別今年蹈海從田橫更助田單保二城呂姥
蕭孃敗人意空拚性命鴻毛輕生還奉父長沙道爲謝淪
關與臺島母住仙山已二年落花畱待癡兒掃人間萬事

何足哀求田間舍英雄才鶴歸華表誠悲矣狐首斯亡亦
樂哉樵弟漁兄終此局雪中同作舉魚哭卻看三萬里瓊
田清淺蓬萊堪手掬白日東流聽有聲誰翻海水令西傾
填填雷電冥冥雨竊恐皇穹不照誠

臘日自長沙還家宿母墓下三日又往長沙侍父雪中別
弟及妹壻作詩述懷得千一百二十字

慕皋廬下悲風起有客歸來二萬里暫歸祇得三日畱墓
色湖光照行李平生四海一子由憐余儋耳勝壺頭相從
欸段話鷺跼馬少游攜秦少游北風一夜吹飛雪對此茫
茫又將別天寒地凍海水枯與子肝腸都斷絕惜昔臘月

到大梁高車駟馬初輝煌太行山下望親舍目斷白雲天
一方介推將母思偕隱萊子攜妻能織畚偶然笠屐入匡
廬欲把綿蒙作箕潁南皮夫子張尙書招我且食武昌魚
廣開精舍習綿蕝方便名山奉板輿五老峰前一家住吳
頭楚尾看來去石梁瀑布香鑪煙記得當年采藥處蘭芷
芬芳山水滋萼鱸旋動故園思千頭奴橘足供稅何必他
山茹紫芝園林風日常暄好同著斑衣娛二老北窗高枕
臥羲皇帝轡齊桓恣幽討一朝秋月沈珠胎金飈吹我庭
萱摧欲含烏哺長已矣不沈魚腹胡爲哉聖廬泣傍新阡
築廬諡慕皋庵諡哭春憂渦水齧前和冬愁雨雪遮牛目

秋風再至聲蕭蕭似聞海上驕天驕羽檄如星徧郡國烽
火連雲照薊遼沅湘宿昔多忠義慷慨中丞求入衛我因
擬疏責柄臣更請將身與兵事小祥已過墳土乾嚴親命
我行關山麻衣痛哭辭兄弟生儒來歸灰不還督師劉公
今召虎雪鬢桓桓坐征虜肯垂青眼到儒冠特禮白衣參
幕府嚴冬兩月行四州禦寒忍著青羔裘馬上思親哭不
得冰華血淚凝成鉤健兒爭唱從軍樂獨矢捐軀向沙漠
上書北關效龍逢憑軾東藩觀海若析津度歲殊恩恩漁
陽鼙鼓連山東浪花如山雪如席我時草檄羶廬中海軍
面縛獻船械陸軍又報牛莊敗輸金割地事等閒一疏空

餘血痕在此時聞有扶餘王側身南望神飛揚得非漢家
猿臂李恐是唐代虬髯張我慕班生探虎穴復同趙主覘
秦國短衣長劍獨請行賓從滿堂俱動色驅山跨海鞭六
鼇燕吳閩粵凌波濤時維五月多炎瘴恰似南征入不毛
唐侯十日稱孤寡賸有劉侯差健者述能折磬迎馬援佗
不踞箕聽陸賈赤嵌城上紅毛樓假王爲我椎肥牛荔支
連山火雲熱蜚人羅拜音鉤輶樓船噴霧蛟龍吼鬼伯天
吳日相守強畱臺嶠占陣雲偷渡澎湖望南斗延平祠下
屢逡巡愧汝臺南臺北民墨經斬然猶在首黃袍率爾敢
加身鋌鹿幾回思走險共詫書生身是膽詎無義士似田

橫饒有賊臣如管敢漢家竟忍捐珠厓遺民野祭堪悲哀
包胥枉作秦庭哭一劍隨身歸去來劉譚邊李皆人傑況
有張公補天切同時束手無奈何坐看邊庭海流血千山
萬水何迢遙嚴親爲我歌大招厦島淒涼別部曲長江安
穩乘歸橈武昌見父中腸痛家國滄桑成一夢流寓還尋
賈傅祠故鄉尙有秦人洞三載光陰駒隙馳到家素已化
成緇墓門見子相持哭始是天荒地老時追思三五少年
日母課兒書同一室長成歲歲向天涯幾日團圓依母膝
痛恨皇穹眞不仁不容寸草報三春我年四十子三十豈
意長爲哭母人男兒墮地憂患始備閱艱辛何足齒萬劫

惟斯身尙存百年已辦心先死便從喪亂句餘生早對松
楸無世情成敗榮枯等幻耳墓田未死宜躬耕元春左閣
紫霞閣如此湖山良不惡好作營邱正首狐休同遼海傷
心鶴桓山鳳鳥生四雛一翀霄漢三泥塗女兄先殞我當
繼弟妹善保千金軀明朝還復去鄉縣春水生時再相見
手攀墓樹不肯行雪虐風饕淚如霰凍雲送客向長沙人
間天上皆吾家願祝靈椿千萬壽常對寒梅四五花
還長沙道中立春作

三十七年客吾今一病僧更驚春貽君惟欲睡曹騰八極
屍輪倦餘生面壁能年芳看百草容易又銷冰

歸哉周子行爲益陽周君檢齋作

歸哉周子爾所居兮乃在浮邱之山桃花之江浮邱山去
益陽縣西幾何里其山可隱遯其水宜耕耤桃花江流下
與資水合花開萬樹往往迷漁艘黃金千鎰白璧十雙不
如七旬之母眉痕龐銀章紫綬玉節牙幢不如鴻妻霸子
蓬頭椎髻笑語同南窗胡爲乎朝遊吳越國暮走燕齊邦
東去過甌閩西行逾冉駝今年從我渡臺嶠十生九死堪
驚懣健兒孤負膽如斗志士空勞血滿腔吾聞古有富春
之嚴鹿門之龐又有洛陽董召南豐城王季友高節篤行
足以式澆薄而興愚癡山何巍巍水何淙淙山有薇蕨水

有蘭泣風雨雖如晦雞鳴曾不降空谷雖無人足音時復
楚歲云暮矣臘鼓聲逢逢周子周子贈君朱提可以易白
粲歸去來兮一家喜氣醲如新釀待子開春缸

除日小瀛洲寓園

門前剝啄一聲無雀踏空枝客據梧寒屋圖書能暖壁儉
年鹽米亦豐廚頭顱尙在終非壯肝膽難回或是迂父似
龐公妻德曜祇悲有母隔蓬壺

何五惠贈七言並示廿年前與鄙人唱和五言輒和五言
一篇奉禽

嘗聞金投昏未若注以瓦或云雁先烹正坐鳴聲啞禍兮

倚福兮巧者奴拙者我真騎士牛君亦絕金馬有如韓昌
黎追逐孟東野貧賤士之常憂患天所假君詩數百篇一
一已繕寫副墨有兒藏雌黃任人下悠悠廿年別耿耿孤
鐙施於木爲心多於人爲髮寡休論少壯日健筆追柳雅
且訂垂老時閒蹤寄蓮社書此盟歲寒殘年去如瀉

除夕疊前韻一篇

爆聲疑崩雷勢欲震萬瓦我侍梓潼君天聾而地啞隱几
雖嗒然在川哀逝者擁鎌愧舉魚求簪感巫馬頗思跨麒
麟遊戲大荒野本與三光齊無須數年假新宮銘將成禮
堂書莫寫幾日金簡來何時玉棺下念此不能寐寒鐙看

漸施四海多瘡痍 兩宮且孤寡吾於閭浮人況有一日
雅生當志溝壑灰豈忘宗社強起視君父無爲淚徒瀉
湘綺年丈見示舊作和函樓元日讀說文詩依韻和會

正月

生不能學劉永福灰不能學吳可讀唯應歸作童子師天
地元黃老村塾九千餘字識已遲三十八年去何速長沙
閉門一事無春雨雖佳卻眉蹙頗思吳下求崔瑩復擬山
中伴匡俗長卿駟馬易犢禪回首遊梁歲逾六函樓老子
本歲星湘綺丈人亦奎宿捧匱負劍足爲樂有酒盈樽書
滿簾漢宋水火雖分涂儒墨陰陽實兼蓄惜哉蒸水望沅

水隔斷湘江裙幾幅西北神人藐姑射東南畸士爰旌目
雲龍韓孟偶合并星象荀陳願賡續丈人昨自蒸上回示
我舊篇寫新牘彷彿草堂人日作歲月悠悠羊胛熟悲哉
癸巳那忍道是年我罪當魚腹春初尙和元日詩秋後空
編倚霞錄函樓作達反悼亡頭上柰花簪簇簇卽今胎息
篆黃庭誰識啼痕黯紅燭還念丈人亦蕭瑟欲上少姨舒
覽矚孔雀飛餘樂府刪麒麟葬後春秋束伯陽漫與化流
沙正則何由出天篤女昭男固勝許沖且共詩書好敦夙
石門令君鄭湛侯更堪憶識字雖多將老禿莫嫌飽讀司空
書辦取牛多兼穀足

和程六子大代湘君述原韻一篇卽送其別兼送汪九頌年

我奉壺天訪湘綺閒看碧浪湖邊水憂生弔古復傷春屈
宋沈沈呼不起湘春門外重經過雙懸涕淚如江沱程郎
握手亦蕭瑟懷裏琅玕空自多鈞天一夢何時覺天帝投
壺方大笑滄桑三萬六千回未必麻姑尙年少雲車風馬
遊越胡使虎鼓瑟瑟龍吹竽不如醉臥波底玉女瓊妃相
暖姝春江何不化爲酒醉殺程六與汪九佳人聞似河東
君他年休作虞山叟迂儒切切憂危顛豈聞治國猶烹鮮
但令三五酒徒在北狄西夷誰敢前左股蓬萊不能立蛟

人夜倚珠崖泣雨師風伯掃地忙月姊星娥上天急卽今

宇內還承平誰知昨有修羅兵十年憔悴東皇客一夜同

環北斗聲撝斥豐隆驅列缺望舒纖阿走不歇九神州與

三神山海水茫茫向空拍驪宮大宴張蜃樓黃金百億供

纏頭憑將文藻江山豔一洗婆娑世界羞南邦學子推建

鼓湘綺王秋年丈葵園王益吾祭酒登兩廡吏部伯嚴同持風雅盟

翰林並作湖山主頌年皮何麓雲經術成栖遲周郎鄂生文

字袁郎叔瑜詩廖羅張鄒笙階純沅帆苦憂國欲鑄銀山填漏

卮俞子士格長身黃子瑞短邊塵幾令朱顏浣渝關臺嶺話

前遊對此金尊莫辭滿英雄兒女皆人才全嬌歌童名一曲

歸魂集

四魂集卷四

西
哭
金
叢
書

初登臺與君追思蛻園飲人生懷抱何時開風塵又屈才
人一汪九淒涼共行色玉堂天上寫離騷況汝歧途泣南
北綺思翻添別思新畫堂銀燭記論文要將姓字爭諸老
他日畱題扇與裙

四魂外集卷一

哭龔叢書

易順鼎哭龔

魂海集上詩百二十三首

甲午孟冬月奉

旨入

覲廿一啓行

新甯

劉坤一

峴莊

受

詔朝

天闕征帆捲怒濤頗聞邊報急獨使

聖躬

勞擊楫英風遠揮戈士氣豪此行期滅賊凱唱滿江皋

僕本不善推敲且廢置已久屢辱大作謹酬七律一章筆

既平庸氣復局促聊以見意幸勿示人卽祈教正

劉坤一

家學淵源自有因何期邂逅得相親輕裝北上籌邊事文

施南來作幕賓對策萬言追董賈論交兩代慕徐陳

同治年間

尊翁笏山方伯以請餉至江右在署暢敘數夕子弟未隨

請纓更壯終軍志

大作有十萬甲兵雖滿腹八千

會見才名動帝闈

和實甫先生道中遇雪韻

大興

徐壽朋

進齋

征輪輾轉路何長幾樹齊煙暮色蒼天際浮雲猶似墨道旁
衰草已全黃飛花偏點愁人鬢陟屺先回孝子腸願效
王尊常叱馭邊氛尙未息爭桑

泰安道中和韻

徐壽朋

遙見青青蘊數峯盤桓幾度撫孤松羊腸鳥道山程遠
鳬繹龜蒙嶺勢重一路車塵經雨洗千尋岱嶽被雲封長途

勞頓差堪慰祇爲同行有伏龍

諸葛武侯隱居南陽稱爲伏龍實甫先生當世之諸

葛也

勉步原韻一首卽呈實甫觀察我師大人教誨

仁和 王 燮 紹延

雪擁風狂水不流滿懷愁緒對扁舟賊行飄忽疾如鼠兵
事遷延遲似牛五夜月明雞唱急孤村人寂鳥聲啾終軍
早具請纓志

實甫觀察願請以五百人當前敵

漢闕高懸南越頭

次韻奉畚哭匱四首

武陵 王以敏 夢湘

張范論交終賈年半生臭味託蘭荃人來燕趙悲歌地袖
有蒿莪涕淚篇酒市虛謀千日醉

君斷葷飲

帝城依舊五雲連

銅駝荆棘歸何晚往事傷心兩鬢烟

世事飛糠竟化與問誰撞壞好家居難招西極拳毛馬自
借東家秃尾驢曼債苦長聊執戟彥回不死尙中書憑君
莫惜甘陵禍獨坐回天是腐餘

碧桃千歲幾時開思子宮連望母臺讀史空尋范滂傳反
騷併入女嬃哀孤生賸有神羊角再見真疑化鶴來家國
茫茫何限感與君袖手撥鏞灰

細雨春衫典酒頻老隨巢許拜車塵花看韋曲愁無賴塞
賣盧龍大有人怨軫空傷伯牙志時聞薜衫師去世怒潮甘逐子

胥神祝宗祈死真吾分再世廬山話夙因

甲午暮冬客京師聞種石觀察大人來勦戎幄晉訪不遇
承惠佳詩慷慨悲歌爲擊節者久之敬和原韻卽希教正
明日遂行不及話別爲悵

順德黃璟小宋

當年捧檄孝稱毛策馬中原顧視高誰假酒杯澆塊壘肯
將綵筆寫牢騷記曾冠履逢蒲穀

張集梧大令來詩謂游廬山曾遇裙屐問及故

人感甚

愧乏瓊瑤報木桃一集一官聊復爾徒勞宰割笑

牛刀

一腔孤憤奈天何世事能平水不波誓取鯨鯢頻看劍劇
憐鈞軸倒持柯模稜當局從誰是砥柱中流有幾多我解
狂歌君善哭可容入定證禪那

次韻龔哭龔主人

王以敏

邊風殺氣起悲臺燕雀歌呼亦怪哉不見絕城智囊出真
看入幙佞人來桓溫作賊甯英物李蔡封侯總下才湘竹
多情更相訊妖花早爲報奇災

今秋移竹開白花并
聞城中竹無不花者

王室眞成魴尾賴傷心墨經苦談兵朝臣甘進和戎策志
士甯忘蹈海情漫倚籌邊有韓在可知貳魯亦天生從君
一棹歸田好賴與湘波有舊盟

白仙謂僕爲李文山
後身末句意本此

中實觀咎道兄有東征之行奉贈卽希法家教正

善化 黃 膺 鹿荃

海日搏桑侵曉坐天風琴筑激濤奔當年意態都如此措

大須眉今尙存
薜蘿羈孤唯痛哭
蒼茫身世總消魂
萬言儘有長沙策
叵奈重陰阻
帝閭

軍氣雷虺吞
瀋浪羣英雲從起
湘湖若如信者無
雙士亦曰王前友
匹夫決勝才甯輸
左李集思誰實繼
曾胡祇拚熱血酬
君父知己何遑問
有無

次韻龔哭盦主人寄憶之作

王以敏

懷沙心事向誰論
握手麻衣淚已吞
東海屠龍餘俠骨
北平射虎壯詩魂
春迴澧浦梅千樹
夢醒榆關月一痕
會看功成長揖返
扁舟行訪薜蘿門

元日書懷錄奉仲實道兄敲正

黃膺

十二萬年鍾白雀百千億佛造紅羊朝儀猶是風雲會兵
氣應爲日月光四海安危覘楚帥九重明聖讓天皇
金甌玉鉉伊誰責景象更新聽彼蒼

元日和韻呈易哭龔觀察

朝鮮李冕相誠齋

弱國孤臣恨未死東望雲海夢魂飛島氛侵地如封豕津
月留人久繫騑西楚幕賓從墨經南洋爵憲建蒼旂請君
塞井驚山鳥

塞井而陣解見左傳愚則取塞平井上磬也
易曰舊井无禽井既塞平則大鳥必驚魂落

魄萬里無塵導我歸

金陵佳句上雞林欲和來詩淚不禁風雪交愁游子跡日
星應照故人心昔年未上平戎策

曾有斥倭論
欲上未果

今日誰彈

退敵琴聞道十乘將出塞會看東海掃氛陰

琚琚雜佩結離苙值世多難起楚江承訓家庭屯北塞佐
謀轅幕出東邦衝於樽俎頻磨劒說以詩書幾讀窗自喜
徧交天下士如君才略儘無雙

贈哭龔觀察

李冕相

楚國男兒有實翁春風慷慨出關東八千子弟趨麾下十
萬夷奴在眼中蘭筆試投干遠策幄籌方運待良功歸來
飲月紀燕石到此雄豪孰與同

和韻呈哭龔觀察

朝鮮朴鐘完月洲

俠骨千秋尙不死犀靈相照雁書飛山東風唳時驚鶴河

北冰漸曉飲駢孝子從戎承矩訓相公受脤建旄旂待他
四海烟氛淨楚月箕雲各送歸

君從龍社我雞林海內相逢感不禁筆下滴來青嶂氣簷
端宿去白雲心千年城郭丁威鶴三弄峨洋子野琴讀罷
兵書時出看塞山苦霧日陰陰

謹次人日春雪詩

李冕相

銅漏遲遲玉屑纖春宵忽作大冬嚴細逐楊江花落絮亂
飛銀海岸朐鹽仙梅削骨香生屋曉月凝精影滿簷纔經
三白新年瑞七日清詩賀六尖

奉和春雪韻

朴鐘完

雪滿寒天曉月纖立春節候冷威嚴試看往迹鴻留爪卻
喜新詩虎伏鹽凍合黃塵封大地溜成白雨滴前簷海氛
見睨同消盡起詠芸窗呵筆尖

奉書垂詢所向感成一律錄呈仲實觀察郢政

長沙 陳炳泰 魯詹

驅車秦晉夜長驚廿萬朱提向戍營海浪難分憑舌劍塵
氛欲靜恃心旌愴懷塞上千山雪極目天涯萬里城幸有
郗公先入幕豈愁無路請長纓

日昨哭菴觀察偕余及陳粒唐同年農曹陳定伯布衣登
關憑眺哭菴次柳柳州韻余亦和之卽求教正

善化
湯魯璠 蟹安

一拳碣石墮冥荒南望行恆接混茫猶有秦王當日島只
餘元魏舊時牆香懷蘭芷迷臣里夢繞觚棱尙 帝鄉怪
底哭菴景蕭瑟歸然澄海兩魚腸

和寶甫韻四律

王以敏

飛書走檄筆如椽送子黃雲落照邊怒馬追風心肯後飢
鷹厲吻氣無前兵戈天地甯忘死衰經光陰莫問年彈指
貞元朝士盡玄都燕夢一悽然

休論日弟與天兄蜃霧何曾掩太清豈謂覆師來趙括翻
勞遊說遣虞卿楚人被甲三千練老子藏胸十萬兵卑狗

卑奴齊繫頸誓栽東海旱蓮生

昨夜霜淒樹有花靈旗萬里護征車瑤池望母雲三島彩
筆飛仙手八叉知有前期金鳳闕漫思故侶玉皇家戎衣
著後荷衣去一笑浮生鳥篆沙

頭顱四十飲亡何精衛甯填恨海波酒市論交屠狗在金
門通籍爛羊多史書有筆誅馮道臣疾無醫覓華佗欲賦
五噫猶未敢臨風聊復奏燕歌

敬步和哭菴大師軍中感懷詩四章徑乞斧正

英山 王鐵珊 伯唐

一夕滄溟變淚泉鳳雛無母到天邊昆侖萬里虛魂返方

丈三韓落眼前翠鳥長成如此樹黃龍輸盡不知年軍人
那解皋魚哭竇上新亭亦泣然

鳴吹難知訊嫂兄妃狶索解費河清祇今遼海疲關白幾
日冉駝去馬卿推枕一辭廬阜月斷橋空有朔方兵多年
榻畔容軒睡莫是雞聲誤祖生

燿燿弓刀滿雪花旄頭畫引武剛車待摧月窟鯨睛死已
應星門彗尾又春水能浮子皮艇金丹未冷太清家東風
淮惹樊川笑海上平添赤壁沙

碣石橫臨恍若何天風蕩潏起洪波國門昨日神羊走海
樹空枝夜鵲多西極流沙何處遠東征小雅不遑他雁聲

好寄任華語僥倖青蓮與放歌

寄懷哭盦再用元韻

王以敏

眞見蒼鵝出狄泉詎徒虜馬飲江邊
軍符錯雜彈碁幻大將縱橫擁節前
燕市酒酣誰故侶泮沽水暖又新年
悲歌漫灑渝關淚藝祖龍興業儼然

軍行競拜孔方兄羨汝巴臺寡婦清
轉粟有人資寇盜毀家無術感公卿
金縉中外年年約草木關山處處兵
坐遣神州陸沈盡莫應愁絕著鞭生

汴京弔徧故宮花鄉里驅殘下澤車
四尺崇封悲馬鬣百年歸夢負漁叉
倚閭望斷難將母報國恩深肯問家
自是

帝閭懷不見早拚痛哭謫長沙

還山中歲侶羊何晚閱黃巾與白波鵬奮青雲知銳極雁
飛朔漠漫哀多謀臣挾喙長何益吾道攻心正不佗昨夢
香鑪雲似海滄浪孺子早高歌

鐵珊謹啟哭龔大師左右日前呈上和藁不加訶責猥蒙
提挈綢繆之至悚愧無地疊奏遰接澣誦之下猶王好之
騰身聞鈞天心魄戰驚更能一言耶但佛弟子禮足讚歎
法許書壁世尊不罪也故更感激悲泣而白佛言

王鐵珊

一雨靈湖寫甕泉河冰汨汨順城邊沈雲虜陣燕山外芳

草春祠瓦寺前

珊里瓦寺前遂云爾

馬色關門迷遠夢鳶風尋丈去

華年天涯分得孫陽淚遭際鹽車不偶然

周郎是弟伯符兄並蒂扶桑炤海清

公與槩鴻先生結海內兄弟

佛社

惟應棄靈運詩城那敢搗長卿秋陰湘水龍蛇窟壯月榆關草木兵莽莽乾坤何處著息機只欲學無生

庭梅畫作故園花匪虎征夫尙棧車

珊數年未歸矣

假物偃師肝

台廢笑人翁伸手全叉河流碣石非吾土江水長于是妾家日日楚歌歌更哭同鄉真似在長沙

懷憂千歲欲如何幾度桑田變白波碁死碁生枰數在花開花謝霧中多斷瓢潁水尋巢父荒冢臨淄弔石他鬱鬱

曾雲芒碭裏可堪回首大風歌

奉和諸將五首仍用杜韻

江夏張景藩春菽

箭筈岡頭雪滿山東遼西薊隔雄關秦皇慘澹經營後楚
客歛歔憑弔閒此日犬戎心尙熾當年龍戰血猶殷黃塵
袞袞邊氛惡匹馬衝風悴客顏

含愁竭上令支城莽莽寒雲罨旌旌楚澤雲龍思猛士晉
師風鶴盡疑兵軍中鼙鼓聲難振海上樓臺照不清安得
六師齊奏凱南宮一片頌承平時屈春闈

星火傳來海上烽渤溟天險失重重莫忘南渡前車鑒已
革東藩故郡封萬國覬覦存鬪志四方飛輓費芻供買牛

以犢平生事何日韜戈器返農

韜戈器返農用唐太宗句

南荒銅柱漢時標兵氣多年劍戟消

峴師戰功多在粵右

日下雙旌

丹陛寵雲中一羽碧天寥元戎待應三台象上相空承七

葉貂閒說使車新屬道覲顏何以覲

中朝

醉騎天馬向東來笳鼓悲涼畫角哀野草離離孤竹豕大
旗黯黯五花臺誰傳元菟城邊檄好飲黃龍海上杯星斗
極天勞伫望濟時崧嶽要生才

用原韻奉和

徐壽朋

頻聞警報意躊躇敢比浮雲自捲舒廊廟紛紜籌款議邊
庭緊急治軍書周王白鹿兵空耀宋將黃龍飲恐虛春雨

江南歸去好榮華不羨紫金魚

再和實甫觀察書感原韻

徐壽朋

山城有客正躊躇幃幄襄籌氣不舒

觀察聞將議和頗不懌

破敵千

軍方鼓勇和戎五利已馳書如荼如火洵稱壯爲鸛爲鵝
總是虛如此大朝甘自小邊民應免作池魚

奉和感懷一首夷光在前自憎其貌方命爲思聊復效顰
錄上哭奩觀簪先生吟席卽乞斧之

龍山

晏蜚聲

雲根

愁添度磧隨班仲喜極舉帷謁董舒彩筆直爭今日月中
原莫問舊車書未堪墨經殷憂切矧慮金縢餽納虛不信
海門三萬丈東溟竟有化龍魚

感舊書懷遙和易實甫觀警海上雜感原韻十首

甯鄉

洪汝冲

用父

哀歌斫地太淒涼同調那堪聽履霜鬱鬱佳城成異域青
青宰木爲誰芳紫姑一晌無消息白傅三杯要沃腸不是
庭椿餘蔭在緘滕早辦覓仙鄉

槎觸無端夜不眠死灰揚盡證空禪三生石畔因何在九
轉鑪邊骨未仙已似滄溟鯤化日尙慙華表鶴歸年黃泉
碧落那能擬不信人心尙有邊

恨海情天豈易任百年似此太恩駸短衣射虎終吾世祭
墓椎牛非子心蠢蠢含生憐此多勞勞反哺爾何禽哀鳴

天籟知多少不是和平求友音

肯挽雙丸障百川餘生乞活信非便靈臺早仁酸辛淚無
極先分缺陷天溝水東西徒蹀躞雨雲翻覆有推遷靈蕙
不是忘憂草賤子郎當已十年

戚姬擁髻泣君旁鴻鵠哀吟爲趙王蠅扇讒聲工點白龍
流禍水太蒼黃摧殘漢殿三眠柳髣髴浮屠屢宿桑已覺
荆榛滿天地勞歌聊與和迷陽

晴空忽轟美人虹絃斷牛衣馬磨中淚點漬衣燐欲碧相
思刻骨豆餘紅菊生有蔗卿須達獨活離根我未空同是
禍胎今禍汝佗生好作化生蟲

天上人間又早春
泉臺溫清意尤親
小姑娘婉慧詢阿父
新婦溫存本舊人
定笑方干猶落第
可知奉倩獨傷神
年來兩字貧兼病
爭向慈幃話此身

殺氣東溟阻太和
魯陽今日竟揮戈
噓雲海蜃屯蕃舶
衝雪明駝走塞婆
禍隱蕭牆憂匪細
厄填冒頓待如何
橫行十萬多長技
莫遣螢光耀自佗

傷心唱曲賀方回
哭向蒼穹色亦開
蝸角蠅頭何日已
熊肥鼃瘦爲誰來
華筵逝水流千載
金粉成灰付一哀
自哭男兒好身手
輸佗海蜃幻樓臺

少年自號頭陀我
轉徙翻名不可僧
一寸心平無五岳
滿

腔血溢有層冰蓬萊方丈終招隱闔闔君門許誕登留得
浮生懺餘悔中年絲竹已無能

寄種石

秀山 黃守琮 仲方

榆關金鼓近如何北望觚棱抱愧多與子同仇呼負負讓
人先著笑呵呵丈夫惟恨心難赤元老休嗟髮已皤
宵旰憂勤今甚矣諸君努力滅狂倭

從軍榆關

新甯 劉侃 希陶

東溟雲氣闔榆關千里飛車朝暮間 乘火車到關 失險未聞加

一矢

旅順威海俱失

安流不敢問三山

古稱三神山即日本各島

青衫白髮談

兵至紫塞黃茅校獵還十萬軍容茶火盛何如留著此身

閒

和劉十二丈希陶韻錄呈削正

徐壽朋

王氣猶留第一關
元戎旗鼓振行閒
秦皇島外天連水
姜女祠前浪撲山
伊呂才猷真伯仲
漢唐土宇會收還
艱難國事誰宏濟
幾輩從軍不敢閒

奉和希陶先生從軍渝關韻一首錄呈吳會觀簪斧正

晏蜚聲

早聞耆宿重鄉關
一握黃塵紫塞閒
文望不輸坡老海軍
容親睹岳家山
三生識面真因果

初見便謂稔識者

萬甲羅胸邁

等閒會見鶴書徵
相國先生甯得白衣還

登角山寺感懷再疊渝關從軍韻錄呈寶甫觀簪吟席訓
政

晏蜚聲

長風吹我到禪關身在烟嵐杳靄間蠻觸干戈天外戍神
仙樓閣海中山悲生漢塞千羊走忍向胡塵匹馬還未審
蓬萊清淺後方壺何自得安閒

滿心憂樂總相關付與悲歌忼慨閒諸葛未能興火井國
忠無那類冰山九邊風鶴何時定七澤蓴鱸只夢還誓埽
海氛三萬里暫時敢學老僧閒

寄策升同歲四絕錄上哭盦觀簪先生訓政

晏蜚聲

避秦有恨卻非秦夢裏尋君不見君轉眼已成垂老別傷
心甯作勝朝人

秋蓬茶話幾何時男子當爲天下奇留得五溪忠義社阿
兄好舉中興師

格天耿耿孟姜誠萬里邊牆一哭傾子弟八千齊雪涕豈
容胡馬度長城

灞上軍容等戲兒早知羝乳杳無期仙源十里桃花路應
許丁令化鶴歸

送別湯十二丈感懷四首錄上實老觀察教正并乞賜和

晏蜚聲

渝關揮手送飛鴻遮道瘡痍百感叢比歲守雌師柱下他
年射虎伴山中波翻大海全軍墨火照邊牆萬劫紅獨上
澄樓增悵惘失君誰與論英雄

三春韶景去駸駸雲合東山舊契深少壯幾時真過隙千
戈滿地況分襟眼中兒輩誰楊孔天下豪名我布心知否
牀頭雙古劍沖寒頻作老龍吟

怪雲壓陣陣雲頽豈是天生撥亂才五十步輸梁主笑八
千軍盡楚人哀恨無白水興龍運愧上黃金市駿臺直虜
夫餘空有約他時誰識海風來

鞭鼉徹夜夢魂驚南去應知戀帝京蕃紇豈容單騎見

嶠壺誰使六鼉擊美人香草沅江曲壯士白衣易水聲此
別未遑計生死怎教梁月不關情

奉和元韻

朝鮮

趙尙學

聖三

失王憐我同孫賈卻敵知誰似謝安東海凶徒鯨與鱷中
邦吉士鳳兼鸞逢人詎少丹心照閱世偏多白眼看島醜
憑陵何足苦漢家武將自桓桓

遙和元韻

仁和

汪以誠

蘅舫

千古紛開逐鹿場其閒得失主穹蒼謀非盡借張良筋勇
亦不憑王彥槍未必攀鱗皆附鳳可憐攻虎等驅羊英雄
成敗何難料逆者天亡順者昌

人情閱盡漸心灰得勢欣榮失勢哀樹倒猢猻都散去
厦成燕雀便依來名場棋樣決爭戰造化爐般司閉開寄語
蚩蚩早猛省當頭棒喝一聲雷

半作詩觀半史觀吟絃獨自譜猗蘭登樓且莫悲王粲得
駕終期傲郭丹萬里從戎公墨經半生作吏我儒冠釣名
弋譽成何事那有相如格澤竿

我讀詩篇感白華飄零蕩子本無家堂前萱草先亡母塞
外木蘭猶替爺折算頻遭磨命竭銜珠難作報恩蛇板輿
人自誇迎養羞對河陽滿縣花

慣貫鷄衣典錦袍安能役志事錐刀九秋風味思鱸膾五

斗功名薄雉膏既不甘遭撫劍視何如忍作掛冠逃從來
富貴皆天命請看當年北郭騷

感事三疊前韻寄哭龔

王以敏

殷勤一簣障狂泉不信如弦死道邊織素幾人新比故奔
車誰見後懲前夢迴鵬鶚青冥路淚盡魚羊甲乙年碧血
全家甘殉國成山酹酒倍淒然

榮城縣令楊君
濟青閭家殉難

塞雁飄零弟喚兄忍寒我亦舉家清生慙遼左隨飛將死
戀山陽友巨卿作賦簫曾私予謚當歌酒亦化爲兵迴黃
轉綠朝儀變咄汝埋頭魯雨生

六街走馬避看花牢落浮生醉墜車有扇遮塵逃庾亮無

金諛墓贈劉又烏嘯月落知誰屋燕啄巢空又別家搔首
慈仁松下立問渠何樂閱恆沙

大劍橫磨事若何復緋珍重唱迴波桓溫戰敗殊封在僕
固私交雜虜多痛飲黃龍甯望此怒沈白馬早拚佗茫茫
古淚和誰訴飛雁橫汾一曲歌

客歲道出汾陰感明皇李
嶠才子之歎爲賦水調歌

首二

哭龔大師榆關四疊筆奪造化出奇無窮使邾莒之國悉
索敝賦奔命焉今疲不能復應矣珊之此三應者所謂遷
延之役也公如大國楚尙其憐之且惠而教之謹待命

王鐵珊

赫赫京周見下泉王風蔓草思無邊高雲大甲中興日短
暑行尸未死前歌哭天涯成一淚芬芳秋節誓終年由來
靈氣神州旺多事憂傷儻未然

奉母庭闈幾弟兄絕裾枉自託澄清龍門曠代逢元禮燕
市哀歌答慶卿尙有河山供對泣祇應文武慶銷兵簞雲
笠雨吁悲矣知是他生是此生

星隄鉤陳變五花騎豬爭棄趙旂車多年郿塢銷銅狄昨
日鈞天享夜叉心死獨垂孤客淚海沈休失眾仙家來生
欲問昆明劫怕作恆河萬萬沙

城南戰苦近如何日日饑烏下淺波員尙須留一人在戎

羌肯放九州多春風送客真無那芳草尋君不爲他知否
花門屯北闕吞聲敢作少陵歌

哭庵大師疊榆關詩今五番矣珊今所和於珊爲四義無
當於大音惟大師教之

王鐵珊

匹馬長城見窟泉上都宮闕斷烽邊穹窿遠下諸陵拜轉
戰誰容一劍前不有關河多難日豈看社稷中興年風塵
逆旅鳶肩客迴睇全遼已泣然

才名海內更無兄汗漫當年謁太清閒道舊悲經喪亂新
亭今見泣公卿黃埃夕警甘泉火白帽雲屯左輔兵倉猝
東歸謝安石可能回首計蒼生

鎮硯冰鎔汎墨花南山夜雨走雷車深憐范子胸盈甲盡
道溫生手慣又鹿野呦呦春喚侶魚歌浩浩客無家懸知
衡岳雲開處一葉輕舟渡赤沙

怨別傷離眞謂何實拚歡喜葬江波死爲恨鬼魂應壯命
到中年壽已多尙恐雷霆收震怒苦因冠履戀委佗來生
不討英雄淚可笑荆卿變徵歌

聞哭龔主人自渝關南歸賦寄

王以敏

生別已吞聲惻惻不可道兵戈塞天地思君令人老從軍
匪吾樂歸里甯心哀百年銜恤身久付昆池灰昨夜關山
春海天淨如練大將工雅歌軍諮解揮扇飛鳥戀故巢遊

子思老親吾謀適不用豈謂秦無人軍中諱言胡去矣漢
南路白雲瞻狄廬悲風振防墓遲君鳳城雪清淚落邊笳
送君潞河柳徒跣行天涯君行莫惜早我生亦如客海枯
會有時冤禽苦銜石手攜一輪月照君萬里航耿耿寸心
在誰謂天一方

哭龔主人以上書復入都門率成一律

王以敏

乾坤多難容吾輩冰雪思君動隔年兩度上書憂漢室幾
人錫土覬鈞天棘門灞上風塵淚蒲褐繩牀解脫禪百鍊
有鋼成繞指故應慙對祖鞭先

都中逢易五中寶賦贈卽用易魂東集中感事五首元韻

長沙

袁緒欽

守瑜

黃衫迴首鬪雞場
逝水年華鬢已蒼
空許雲臺登劍舄
又驚天闕射欃槍
中原諸將誰功狗
大地羣生換劫羊
龜老尙知堯代雪
不聞鳴鳳奏歸昌

安國從人溺死灰
王郎斫劍亦堪哀
五陵原上悲歌去
萬國兵前痛哭來
埋地難謀千日醉
呼天直叩九閭開
閤門封事傳宣罷
日晚車塵響萬雷

超然燕處對榮觀
楚客從來佩杜蘭
靈幄丁晨書勘素
神風午夜篆吞丹
尋仙岱嶽停鸞吹
招隱匡廬戴鶡冠
聞有龍泉剗兕刃
且投蜃市釣鼈竿

秋彌寥寥盼翠華近聞減膳到宮家求仙藥誤悲仙使鑄
佛金完痛佛爺死願填溝先犬馬生逢起陸走龍蛇千秋
一卷魂遊稟史筆開天續浣花

遼海天風盪戰袍渝關夜雪冷弓刀輓輸西北儲芻粟杼
軸東南竭髓膏十萬虎羆同日潰六千鰲鶴一時逃陰燐
夜泣長城窟誰爲招魂賦楚騷

哭龔二弟同年正句

金壇馮煦夢華

縱橫奇氣壓樽桑馬革無緣亦可傷高詠喜逢袁彥伯

謂卡

瑜

狂名能敵顧長康

謂石公

南瞻衡麓孤雲白東走渝關落

日黃身世百年勿復道相看唯有涕沾裳

兩疊前韻奉酬哭盦二弟同年

馮煦

南歸無地足耕桑
蕉萃京華只自傷
北海潛蹤師邴管
東都改卜望成康
蟄居一室生虛白
夢逐三邊控大黃
各有憂心何息處
蜉蝣楚楚正衣裳

塵世無端幻海桑
側身四顧劇摧傷
豺狼當道復安問
蟋蟀在堂毋太康
急劫爭持翻白黑
羣陰交構戰元黃
中情不揆靈修化
好製荷衣與芟裳

謹步原韻三首錄呈哭盦世先生教

長沙楊觀主德甫

九鳥又見出搏桑
羿射無靈劇可傷
誰向疇華誅鑿齒
徒懷荒域叫當康
劍揮晉楚頭皆白
戰創乾坤血亦黃
聞道

魂海集

四魂外集卷一

三

哭龔叢書

神堯憂社稷獨教淚雨泣龍裳

權利才臣用孔桑輓輸無策補夷傷更捐國帑齎強虜將
惠京師汔小康銜石任填滄海碧阿膠可止濁流黃最憐
杼軸東人困尙跂天孫錦織裳

居名畏壘豈庚桑塵海潛身只自傷蠻語參軍應笑郝鳳
攀常侍獲交康遠山彌望連長白逆旅何人識外黃歸誓
分明江水在相從招隱製蓉裳

伏魔禪院贈哭龔居士

上元顧雲石公

今夕來尋易哭龔哭龔心事我能諳古人涕淚知同灑賈
誼唐衢汝第三

實甫如兄將度關了其軍中事而南歸歌以送之

王鐵珊

待死相逢遂遠離他生緣會更誰知英雄當世有杯酒涕
淚千秋幾卷詩本與神仙住姑射悔因鬪戰祀祆祠歸魂
早晚首重聚不作人間並蒂枝

實甫南歸次韻送之

華陽
顧印愚
印伯

未死元須有別離此情甯待此回知迴瀾大海平生意明
月高樓夙世詩夢晉明月清歌句馬上鞞刀天末語夢中
泉鞠水仙祠十年電露空成瞥依舊春明折柳枝

恭呈實甫夫子大人誨正

都昌
李廬毓
挺山

魂海集

四魂外集卷一

三
哭龔叢書

吏部文章舊仰韓宮牆數仞得門難小詩曾擊歐陽節大
句宜傾杜老壇望重東山雲出岫心淒北闕雪鋪鞍先生
不遠來千里利國將母策治安

痛哭長沙挾策來萬言脫稿楚多材文章報國今何世讜
論驚人有此才秦相薰天千古臭王郎斫地一生哀傷心
時局伊誰誤悵望邊氛埽不開

蜃霧鯨波蕩海涯無端憂憤起儒家蒼茫墨經從戎去慷
慨詩篇出塞加奇氣吐爲魂北集歸期滯到指南車何時
招隱匡廬下天上樓臺望倚霞

敢說冤沈下第賁毛錐子恨不能軍讀書何用當投筆把

酒偏蒙更賞文夜話悲涼黯明月鄉心潦倒亂歸雲長安
市上纔相見惆悵關河手忍分

承示大作三首盥誦一週芬流齒頰謹步元韻疊成四首
錄呈教正

桃源沙上鑄鼎仲

兩世交情更梓桑愛同手足抱如傷人間伯仲求伊呂江
左池塘夢惠康已歷才名元與白更工詞曲秦兼黃大羅
會上齊名久管領羣仙度羽裳

人生轉瞬幻滄桑一種牢愁各自傷隔世才名君夢晉半
生癡絕我長康形如泛笠海天碧淚濺征袍塵土黃閒讀
太沖招隱句爲佗羞作嫁衣裳

旭日矇矓照海桑三山塵沸令人傷少年痛哭求長治

天子多憂冀永康報主精忱虹貫白讓他顛倒雌兼黃
不教玉斧金甌缺萬國其球仰繡裳

果然公子訪長桑世事浮雲不必傷劇忍蝸磨宋蘇軾難
馴龍性晉嵇康橘中人去襪雙綃柳下蹟留壚半黃買棹
湖湘煙水好早將荷芰製新裳

唐山晤實甫觀管承贈近箸魂北集賦二律畚謝

無錫楊模範甫

宗周恤緯讓窮嫠衮衮諸公補闕遲白刃在前顧流矢豺
狼當道問狐狸已拚蹈海辭秦帝猶許沈湘作楚纍把袂

唐衢惟一哭思親去國各深悲

少年奇服景恩恩墨經今籌障海功蟣蝨小臣甘效死熊
彫上相竟和我一邱貉葬文章賤百歲牛衣涕淚同舊夢
秦淮眞可續蔣山無語夕陽紅

角山棲賢寺觀海

楊模

散髮騎麟去帝旁天風吹我墮東荒蕭寥絕壑無樵語犖
确摧輪肖古腸浮白數痕鋪甲帳輭青一道鎖邊牆關山
鼙鼓吾何事要乞坡公出世方

疊前韻

楊模

截髮陪都臥榻旁鯨鯢掣浪動遐荒連雞屢折中原氣匹

馬難柔壯士腸絕塞猶依天作障山家多壘石爲牆海涯
烽火人千里江左菰蘆水一方

奉贈寶甫先生即乞削正

平江余 懔 勤夫

思君十載初投刺何意偏當世亂離百萬王師齊出塞問
誰勦力殄倭兒

公子愁懷鬱不開悲歌慷慨酒千杯上書 金闕爭和議
誰識侯生濟世才